

**AYOLLAR O‘RTASIDA O‘ZBEKISTON CHEMPIONATI 2022-YILGI  
MAVSUM BIRINCHI DAVRA BAHLARIDA “SEVINCH”,  
“SO‘G‘DIYONA” VA “BUNYODKOR” JAMOALARINING TEXNIK  
USULLARI ANIQLIGI TAHLILI**

**Nafosatxon Xayrullo qizi Xabibullayeva**

Chirchiq davlat pedagogika universiteti “Xotin-qizlar sporti” yo‘nalishi 1-bosqich talabasi

**Javlonbek Abdukaxor o‘g‘li Zulxaydarov**

Oliy ta’limni rivojlantirish tadqiqotlari va ilg‘or texnologiyalarini tadbiq etish markazi tayanch doktoranti

**ANNOTATSIYA**

Ushbu maqolada ayollar o‘rtasida O‘zbekiston chempionati 2022-yilgi mavsum 1-davrasida darvoza tomon berilgan zarbalarning aniqlilik samaradorligi taxlil qilingan. Bu orqali soha mutaxassislari uchun o‘yin jarayonida darvozaga tomon zarba berish ko‘rsatkichlari va ahamiyati, bu jabhada kuzatiladigan muammolar haqida bayon etilgan.

**Kalit so‘zlar:** aniq zarbalar, ayollar futboli, zarbalar taxlili, ayollar futboli muammolari, zarba aniqligi indikatorlari.

**ABSTRACT**

In this article, the effectiveness of the accuracy of shots to the goal in the 1st round of the 2022 season of the Uzbekistan Women's Championship is analyzed. In this way, the indicators and importance of hitting the goal during the game, as well as the problems observed in this front, are described for experts in the field.

**Keywords:** clear shots, women’s football, analysis of shots, problems of women’s football, indicator of clear shots.

**KIRISH**

Prezidentimizning 2019-yil 4-dekabr sanasidagi “O‘zbekistonda futbolni mutlaqo yangi bosqichga olib chiqish chora-tadbirlari to‘g‘risida”gi PF-5887 sonli farmonida ham mamlakatimizda futbolni 2030-yilgacha rivojlantirish konsepsiyasida ayollar futbolini rivojlantirish, ayollar futbol jamoalarini infratuzilmalarini takomillashtirish, ayollar o‘rtasida chempionat va birinchi liga musobaqalarida raqobatbardosh jamoalarni



yaratish, yurtimizda yosh qizlar orasida futbolga qiziqishlarini orttirish borasida bir qator vazifalar belgilangan va bu orqali ayollar terma jamoasi uchun nomzodlarni shakllantirish terma jamoa va klublar o'rtasidagi xalqaro musobaqalarda yuqori natijalarni qo'lga kiritish asosiy maqsad qilib olingan [1]. Ushbu farmon samarasi o'laroq ayol futbolchilarning qo'lga kiritayotgan yutuqlari hajmi tobora ortib bormoqda. Bunda mashg'ulotlar jarayonida ko'proq yosh futbolchi qizlarning jalb qilinishi soxa mutaxassislari uchun katta ma'suliyat yuklaydi. Ayniqsa, yosh qizlarning sportda o'z o'rnini topishida ayol murabbiylarning o'rni juda katta [3].

### ADABIYOTLAR TAHLILI VA METODOLOGIYA

Har xil yoshdagi xotin-qizlarning futbol bilan shug'ullanishi asosan ikkita maqsadga qaratilgan bo'lib, birinchi navbatda salomatlikni yaxshilash va kelgusi avlodni ham sog'lom qilib tarbiyalash bo'lsa, yana bir tomondan ular ham huddi erkaklar singari futbol orqali yurtimiz sharafini himoya qilish va shon-shuhratini yanada yuqori pog'onaga ko'tarish hisoblanadi. Bundan tashqari ayollar futbolida ham yaqin yillarga qaraganda moliyaviy tomondan e'tibor ham ancha yaxshilangan va bu orqali xotin-qizlarimiz soxa orqali yaxshigina daromad topish imkoniga ega bo'lmoqda.

Bunday imkoniyatlarga ega bo'lish barobarida xotin-qizlarimizga ham turli jismoniy, ruxiy, texnik va taktik jihatdan bir qator talablari mavjud hisoblanadi. Bu soxada o'z o'rnini egallashi va yillar davomida raqobatbardosh muhitda statusini saqlab qolish uchun ayollarimizdan tinimsiz mehnat va kundalik turmush tarzini to'g'ri tashkil qilishi talab etiladi [6].

Yuksak sport natijalariga erishish ko'p jihatdan ayol futbolchilarning texnik usullarning hilma-xil vositalarini qanchalik to'liq bilishiga, raqib jamoaning futbolchilariga qarshilik ko'rsatishlariga, o'yin jarayonida charchoq orta borayotgan sharoitda o'yin faoliyatidagi turli vaziyatlarda texnik-taktik harakatlarni mohirlik bilan samarali qo'llay bilishiga hamda o'yin jarayonida standart vaziyatlar, darvoza tomon zarba berishning aniqligi. Futbolda darvoza tomon beriladigan zarbalarning kuchli, aniq va samarali bo'lishi uchun mashg'ulot jarayonida har tomonlama tayyorgarlik ko'rish talab etiladi [4].

Darvoza tomon zarba berish aniqligi samaradorligini yuqori bo'lishi jamoaning hujumdagi taktik harakatlarni samarali yakunlashning asosi hisoblanadi. Shu sababdan darvoza tomon berilayotgan zarbalarning aniqlilik samaradorligi yuqori bo'lishi natija yaxshi bo'lishi uchun dolzarb bo'ladi.



**Tadqiqotning maqsadi:** Ayollar futboli yetakchi jamoalarining O‘zbekiston chempionati baxslarida darvoza tomon zarbalar aniqligini taxlil qilish.

Tadqiqot ishi yetakchi ayollar futbol jamoalari “Sevinch” “So‘g‘diyona-w” “Bunyodkor-w” ning O‘zbekiston chempionati 2022-yilgi mavsum 1-davra baxslaridagi o‘yinlarda darvoza tomon berilgan zarbalarning aniqligi samaradorligi tahlil qilingan.

**Tadqiqot natijalari:** Tadqiqotdan olingan ma‘lumotlarning o‘rtacha qiymatlari har bir jamoa uchun alohida jadvalda yoritib o‘tildi. 1-jadvalda “Sevinch” PFC jamoasining 1-9 tur doirasida o‘tkazgan o‘yinlarida jamoa a‘zolari tomonidan darvoza tomon berilgan zarbalar soni aniqligi ko‘rsatilgan. Unga ko‘ra jamoa 1-turda “Neftchi-w” ga qarshi o‘yinda 18 ta zarbadan 10 ta aniq va 6 ta noaniq zarba bergan. Yana 2 ta zarba raqib a‘zolari tomonidan blokga uchrigan. 2-tur “Navbaxor-w” jamoasiga jami 22 ta zarba berilgan, shulardan 14 ta aniq, 6 ta noaniq va 2 ta to‘silgan zarba bo‘lgan. 3-tur “So‘g‘diyona-w” darvozasiga yo‘llangan 14 ta zarbadan 7 tasi aniq darvozaga yetib brogan. 6 zarba noaniq bo‘lsa, 1ta zarba raqib tomonidan to‘siqqa uchrigan. 4-tur “Qizilqum-w”ga qarshi 19 ta zarbani 9 tasi aniq, 5 tadan noaniq va to‘silgan zarbalar berilgan. 5-turdagi raqib “Lokomotiv-w” darvozasiga jami 21 ta zarba (11 ta aniq, 8 ta noaniq va 2 ta blok) berilgan. 6-tur baxslarida sevinchchilar “Paxtakor-w” darvozasiga 24 ta zarba yo‘llashdi (12 ta aniq, 8 ta xato va 4 ta blok). 7-tur “Metallurg-w” jamoasiga qarshi jamoaning zarbalar borasida eng sermaxsul o‘yini bo‘ldi. Shu kuni 31 ta zarbbadan 15 tasi darvoza tomon aniq yetib brogan bo‘lsa, 12 ta zarba tehnik xatoliklarga uchradi va 4 ta zarba metallurgchilarning to‘sig‘iga uchradi. 8-tur “AGMK-W” darvozasiga 20 ta zarba (8/4/3) va 9-tur “Bunyodkor”ga qarshi baxsda 15 ta zarbadan 8 ta aniq va 4 ta noaniq zarba bo‘lsa 3 ta zarba to‘siqqa ega bo‘ldi.

2-jadvalda “So‘g‘diyona-w” jamoasining o‘yinlarda ko‘rsatkichlari ma‘lumotlari berilgan. 1-turda jamoa “AGMK-w” ga qarshi qiyin kechgan baxsda jami 12 ta zarba yo‘llab 6 tasi aniq va 5 ta noaniq va 1 ta blok zarba bo‘ldi. 2-tur “Neftchi-w” bilan baxsda 18 ta zarbadan 13 ta aniq, 3 ta noaniq va 2 ta to‘silgan zarba yo‘llashdi. 3-tur “Sevinch” bilan markaziy baxsda jamoa 11 zarba berdi (5/3/3). 4-tur O‘yinida “Lokomotiv-w” ga 25 ta zarba (15/8/2). 5-turda “Metallurg-w” jamoasi darvozasiga jami yo‘llangan 34 ta zarbaning 19 tasi manzilga aniq yetib borib, 7 ta zarba noaniq yo‘llanib, 8 ta zarba to‘siqqa uchradi. 6-tur “Bunyodkor-w” darvozasi 14 bor o‘qqa tutildi, shundan 7 ta aniq, 5 ta noaniq va 2 ta blok zarba. 7-tur “Navbaxor-w” ga qarshi 17 ta zarbadan 9 ta aniq, 6 ta noaniq va 2 ta noaniq zarba yo‘llandi. 8-tur “Qizilqum-w” jamoasiga qarshi 24 ta zarba berilib, 11 ta aniq, 7 ta noaniq va 6 ta to‘siq zarba bo‘lgan.



9-tur "Paxtakor-w" ga qarshi o'yinda jami 21 ta zarba (12/8/1) berilgan.

3-jadvalda "Bunyodkor-w" jamoasining o'yinlardagi ko'rsatkichlari berilgan. Jamoa 1-turda "Navbaxor-w" ga qarshi baxsda 23 ta zarba (12/7/4), 2-tur "Qizilqum-w" ga qarshi 16 ta zarba (9/5/2), 3-tur "Paxtakor-w" darvozasiga jami 15 ta zarba yo'llandi (10/4/1). 4-tur "AGMK-W" darvozasiga 12 zarba (6/5/1) va 5-tur "Neftchi-w" ga qarshi 14 ta zarba (8/4/2). 6-tur "So'g'diyona-w" bilan baxsda 12 zarbadan 6ta aniq, 3 tadan noaniq va blok zarbalar. 7-tur "Lokomotiv-w" darvozasi 23 bor o'qqa tutilib, mos ravishda 14-7 va 2 ta aniq, noaniq va blok zarbalar berildi. 8-tur "Metallurg-w" bilan baxsda jamoa 20 bor zarba berib, 13 ta aniq va 7 ta noaniq amalga oshirildi. 9-tur "Sevinch-w" bilan baxs 16 ta jami zarba 6 ta aniq 8 ta noaniq va 2 ta blok zarba berilgan.

1-jadval

"Sevinch" PFC ning ayollar o'rtasida O'zbekiston chempionati 1-davra baxslarida darvoza tomon berilgan zarbalar ko'rsatkichlari taxlili natijalari.

Raqib jamoalar		O'yin natijasi	Zarbalar soni	Aniq zarbalar		Noaniq zarbalar		To'silgan zarbalar	
				soni	%	soni	%	soni	%
1	Neftchi-w	6:0	18	10	55.5	6	33.3	2	11.2
2	Navbaxor-w	9:0	22	14	63.6	6	27.2	2	9.2
3	So'g'diyona-w	1:1	14	7	50	6	42.8	1	7.2
4	Qizilqum-w	5:1	19	9	47.4	5	26.3	5	26.3
5	Lokomotiv-w	5:0	21	11	52.8	8	38	2	9.2
6	Paxtakor-w	5:0	24	12	50	8	33.4	4	16.6
7	Metallurg-w	7:1	31	15	48.3	12	38.7	4	13
8	AGMK-w	6:0	20	14	70	6	30	0	0
9	Bunyodkor-w	1:1	15	8	53.3	4	26.6	3	20.1
<b>Jami</b>		<b>45:4</b>	<b>184</b>	<b>100</b>	<b>54.3</b>	<b>61</b>	<b>33.1</b>	<b>23</b>	<b>12.6</b>

2-jadval

"So'g'diyona-w" jamoasining ayollar o'rtasida O'zbekiston chempionati 1-davra baxslarida darvoza tomon berilgan zarbalar ko'rsatkichlari taxlili natijalari.

Raqib jamoalar		O'yin natijasi	Zarbalar soni	Aniq zarbalar		Noaniq zarbalar		To'silgan zarbalar	
				soni	%	soni	%	soni	%
1	AGMK-w	1:0	12	6	50	5	41.6	1	8.4
2	Neftchi-w	5:0	18	13	72.2	3	16.6	2	11.2

3	Sevinch	1:1	11	5	45.6	3	27.2	3	27.2
4	Lokomotiv-w	8:0	25	15	60	8	32	2	8
5	Metallurg-w	11:1	34	19	56	7	20.5	8	23.5
6	Bunyodkor-w	2:1	14	7	50	5	35.7	2	14.3
7	Navbaxor-w	3:0	17	9	52.9	6	35.3	2	11.8
8	Qizilqum-w	5:0	24	11	45.8	7	29.2	6	25
9	Paxtakor-w	5:0	21	12	57.1	8	38.1	1	4.8
	<b>Jami</b>	<b>41:3</b>	<b>176</b>	<b>97</b>	<b>55.1</b>	<b>52</b>	<b>29.5</b>	<b>27</b>	<b>15.4</b>

3-jadval


“Bunyodkor-w” jamoasining ayollar o‘rtasida O‘zbekiston chempionati 1-davra baxslarida darvoza tomon berilgan zarbalar ko‘rsatkichlari taxlili natijalari.

	Raqib jamoalar	O‘yin natijasi	Zarbalar soni	Aniq zarbalar		Noaniq zarbalar		To‘silgan zarbalar	
				soni	%	soni	%	soni	%
1	Navbaxor-w	7:0	23	12	52.2	7	30.5	4	17.3
2	Qizilqum-w	4:3	16	9	56.2	5	31.2	2	12.6
3	Paxtakor-w	3:0	15	10	66.6	4	26.6	1	6.8
4	AGMK-w	3:2	12	6	50	5	41.6	1	8.4
5	Neftchi-w	3:1	14	8	57.1	4	28.5	2	14.3
6	So‘g‘diyona-w	1:2	12	6	50	3	25	3	25
7	Lokomotiv-w	7:0	23	14	60.8	7	30.4	2	8.8
8	Metallurg-w	5:1	20	13	65	7	35	0	0
9	Sevinch	1:1	16	6	37.5	8	50	2	12.5
	<b>jami</b>	<b>33:10</b>	<b>141</b>	<b>84</b>	<b>59.5</b>	<b>50</b>	<b>35.4</b>	<b>17</b>	<b>12.1</b>

## NATIJARAR

Birinchi davra davomida 9 ta o‘yinda “Sevinch” PFC jami 184 ta zarbani darvoza tomon yo‘llagan va ulardan 100 tasi manzilga aniq yetib brogan bo‘lsa, jamoa hisobida 1-davra yakunida 45 ta gol mavjud bo‘ldi. Aniq zarbalar ko‘rsatkichi 54.3% ni tashkil etdi. 61 ta zarba noaniq yo‘llanib umumiy zarbaning 33.1% ni tashkil etdi. 23 ta zarba umumiy zarbaning 12.6 foizi raqiblar tomonidan to‘shiga erishildi. “So‘g‘diyona-w” 9 ta baxsda jami 176 marotaba zarba yo‘llagan va 97 tasi manzilga aniq yetib borib, 41 ta zarba golga aylangan. Aniq zarbalarning ulushi 55.1 % ni tashkil etdi. Jamoa tomonidan berilgan 52 ta zarba (29.5 %) noaniq yo‘llangan. 27 ta zarba (15,4 %) esa raqiblar tomonidan to‘shiga erishilgan. “Bunyodkor-w” jamoasida jami 141 ta zarba va ulardan 84 tasi aniq (59,5 %), 33 ta gol kiritildi. 50 ta zarba (umumiy zarbaning

35.4 % i) noaniq yo‘llangan. 17 ta zarba esa raqiblar blokiga uchragan.



1-rasm. Yetakchi ayollar futbol jamoalarining solishtirma ko'rsatkichlari.

## XULOSA

O'zbekiston chempionatining 3 ta eng kuchli hisoblangan "Sevinch" PFC, "So'g'diyona-w" va "Bunyodkor-w" jamoasining o'yinlarini taxlil qilganda shu narsa ma'lum bo'ldiki, eng yetakchi hisoblangan jamoalarimizda ham darvoza tomon zarba berish aniqligi bo'yicha muammolar mavjud. Eng yuqori aniqlilik ko'rsatkichi qayd etilgan "Bunyodkor-w" jamoasida 59,5 % ni tashkil etdi. Qiziqarli jihati shundaki "Bunkodkor-w" bu 3 jamoa ichida eng kam darvoza tomon zarba bergan jamoa hisoblanadi: 141 ta zarba. Solishtirib ko'radigan bo'lsak, sevinch va so'g'diyona jamoalarida mos ravishda 184 va 176 tadan zarba qayd etilgan.

## REFERENCES

1. O'zbekiston Respublikasi Prezidentining 2019-yil 4-dekabr sanasidagi "O'zbekistonda futbolni mutlaqo yangi bosqichga olib chiqish chora-tadbirlari to'g'risida"gi PF-5887 sonli farmoni.
2. Жавлонбек Абдуқаҳор ўғли Зулхайдаров. Футболчиларни тайёрлаш жараёнидаги мусобақалар фаолияти

кўрсаткичларини таҳлил қилишнинг ахамияти. Academic research in educational sciences (ares), volume 2, issue 10,764-770.

3. Абдулахатов А.Р. Зулхайдаров Ж.А. Профессионал футболчиларни жисмоний тайёргарлиги бўйича моделлаштириш меъёрлари. Муғаллим , 1(1)2022, 106-110.

4. Зулхайдаров Ж.А. Юқори малакали футболчиларни махсус чидамкорлигини ривожлантириш. Интернаука.23(199) 2021г. 55-56.

5. Zulxaydarov J.A. O'zbekistonda stritbol-sport turini rivojlantirish. PROSPECTS FOR THE NATIONAL SPORT DEVELOPMENT OF – KURASH. April 8-9. chirchiq-2022.

6. J.A.Zulxaydarov, S.D.Abduraximov. Ayollar futbolini rivojlantirishning istiqbollari. Academic research in educational sciences (ARES), volume 3, issue 11,588-593.

